

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

प्रथम काण्डे तृतीयः प्रश्नः

---

## **Version Notes:**

**This is now the current Version 2.0 dated Jan 31, 2026**

1. This replaces the earlier version 1.1 dated July 31, 2022.
2. Corrections found and reported till Jan 31, 2026 are incorporated.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id [vedavms@gmail.com](mailto:vedavms@gmail.com)

### **Earlier Versions**

1st	Version Number	0.0 dated 31st May 2019
2nd	Version Number	0.1 dated 31st Mar 2020
3rd	Version Number	1.0 dated 31st Aug 2021
4th	Version Number	1.0 dated 31st Oct 2021
5th	Version Number	1.1 dated 31st July 2022

---

## **Table of Contents**

1 कृष्ण यजुर्वेदीय तैत्तिरीय संहिता क्रम पाठः .....	4
1.3 प्रथम काण्डे तृतीयः प्रश्नः – (अग्निष्टोमे पशुः).....	4

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदीय तैत्तिरीय संहिता क्रम पाठः

1.3 प्रथम काण्डे तृतीयः प्रश्नः – (अग्निष्टोमे पशुः)

T.S.1.3.1.1 - Kramam

दे॒वस्य॑ त्वा । त्वा स॒वि॒तुः । स॒वि॒तुः प्र॒स॒वे । प्र॒स॒वेऽश्वि॑नोः ।  
प्र॒स॒व इति॑ प्र – स॒वे । अ॒श्वि॒नोर् बा॒हु॒भ्याम् । बा॒हु॒भ्याम् पू॒ष्णः ।  
बा॒हु॒भ्यामि॑ति बा॒हु – भ्याम् । पू॒ष्णो ह॒स्ता॒भ्याम् । ह॒स्ता॒भ्यामा ।  
आ द॑दे । द॒देऽभिः॑ । अ॒भि॒रसि॑ । अ॒सि ना॑रिः । ना॒रि॒रसि॑ ।  
अ॒सि परि॑लिखितम् । परि॑लिखित॒ रक्षः॑ । परि॑लिखितमि॒ति  
परि॑ – लि॒खितम् । रक्षः॑ परि॑लिखिताः । परि॑लिखिता अ॒रा॒तयः॑ ।  
परि॑लिखिता इति॑ परि॑ – लि॒खिताः । अ॒रा॒तय इ॒दम् । इ॒दम॒हम् ।  
अ॒ह रक्ष॑सः । रक्ष॑सो ग्री॒वाः । ग्री॒वा अ॒पि । अ॒पि कृ॑न्तामि ।  
कृ॑न्तामि यः । योऽस्मा॑न् । अ॒स्मा॑न् द्वेष्टि॑ । द्वेष्टि॑ यम् । यम् च ।  
च व॒यम् । व॒यम् द्वि॑ष्मः । द्वि॑ष्म इ॒दम् । इ॒दम॒स्य । अ॒स्य ग्री॒वाः ।  
ग्री॒वा अ॒पि । अ॒पि कृ॑न्तामि । कृ॑न्तामि दि॒वे । दि॒वे त्वा ।

त्वा॑ऽन्तरिक्षाय॑ । अ॒न्तरिक्षाय॑ त्वा । त्वा॑ पृ॒थि॒व्यै । पृ॒थि॒व्यै त्वा॑ ।  
 त्वा॑ शु॒न्धता॑म् । शु॒न्धतां॑ लो॒कः । लो॒कः पि॒तृष॑दनः । पि॒तृष॑द॒नो  
 यवः॑ । पि॒तृष॑द॒न इति॑ पि॒तृ - स॑दनः । यवो॑ऽसि । अ॒सि यव॑य ।  
 यवया॑स्मत् । अ॒स्मद् द्वेषः॑ । द्वेषो॑ यव॑य । 1 (50/55)

**T.S.1.3.1.2 - Kramam**

यवया॑रातीः । अ॒रातीः पि॒तृणा॑म् । पि॒तृणां॑ स॒दनम् । स॒दनम॑सि ।  
 अ॒स्युत् । उद् दि॒वम् । दि॒व स्त॑भान । स्त॒भाना॑ । आ॒ऽन्तरिक्ष॑म् ।  
 अ॒न्तरिक्ष॑म् पृ॒ण । पृ॒ण पृ॒थि॒वीम् । पृ॒थि॒वीम् दृ॒ह । दृ॒ह द्यु॒तानः॑ ।  
 द्यु॒तानस्त्वा॑ । त्वा॑ मा॒रुतः॑ । मा॒रुतो॑ मि॒नोतु॑ । मि॒नोतु॑ मि॒त्रावरु॑णयोः ।  
 मि॒त्रावरु॑णयोर् ध्रु॒वेण॑ । मि॒त्रावरु॑णयोरिति॑ मि॒त्रा - वरु॑णयोः ।  
 ध्रु॒वेण॑ धर्म॑णा । धर्म॑णा ब्र॒ह्मव॑निम् । ब्र॒ह्मव॑निम् त्वा । ब्र॒ह्मव॑निमि॒ति  
 ब्र॒ह्म - व॑निम् । त्वा॑ क्ष॒त्रव॑निम् । क्ष॒त्रव॑निं सु॒प्रजा॑वनिम् ।  
 क्ष॒त्रव॑निमि॒ति क्ष॒त्र - व॑निम् । सु॒प्रजा॑वनिं रा॒यस्पोष॑वनिम् ।  
 सु॒प्रजा॑वनिमि॒ति सु॒प्रजा॑ - व॑निम् । रा॒यस्पोष॑वनिम् परि॑ ।  
 रा॒यस्पोष॑वनिमि॒ति रा॒यस्पोष॑ - व॑निम् । पर्यू॑हामि । ऊ॒हामि॑ ब्र॒ह्म ।

ब्र॒ह्म दृ॒ह । दृ॒ह क्ष॒त्रम् । क्ष॒त्रम् दृ॒ह । दृ॒ह प्र॒जाम् । प्र॒जाम्  
दृ॒ह । प्र॒जामि॒ति प्र – जा॒म् । दृ॒ह रा॒यः । रा॒यस्पोष॑म् । पोष॑म्  
दृ॒ह । दृ॒ह घृ॒तेन॑ । घृ॒तेन॑ द्या॒वापृ॑थि॒वी । द्या॒वापृ॑थि॒वी आ ।  
द्या॒वापृ॑थि॒वी इति॑ द्या॒वा – पृ॒थि॒वी । आ पृ॑ण॒थाम् । पृ॑ण॒थामिन्द्र॑स्य ।  
इन्द्र॑स्य स॒दः । स॒दोऽसि॑ । अ॒सि वि॒श्व॒जन॑स्य । वि॒श्व॒जन॑स्य छा॒या ।  
वि॒श्व॒जन॑स्येति॑ वि॒श्व – जन॑स्य । छा॒या परि॑ । परि॑ त्वा ।  
त्वा गि॒र्वणः॑ । गि॒र्वणो॑ गि॒रः । गि॒र इ॒माः ( ) । इ॒मा भ॑वन्तु ।  
भ॑वन्तु वि॒श्वतः॑ । वि॒श्वतो॑ वृ॒द्धायु॑म् । वृ॒द्धायु॑मनु॑ । वृ॒द्धायु॑मिति॑  
वृ॒द्ध – आ॒युम् । अनु॑ वृ॒द्धयः॑ । वृ॒द्धयो॑ जु॒ष्टाः । जु॒ष्टा भ॑वन्तु ।  
भ॑वन्तु जु॒ष्टयः॑ । जु॒ष्टय॑ इन्द्र॑स्य । इन्द्र॑स्य स्यूः॑ । स्यू॒रसि॑ ।  
अ॒सीन्द्र॑स्य । इन्द्र॑स्य ध्रु॒वम् । ध्रु॒वम॑सि । अ॒स्यैन्द्र॑म् । ऐन्द्र॑मसि ।  
अ॒सीन्द्रा॑य । इन्द्रा॑य त्वा । त्वेति॑ त्वा ॥ 2 (68/77)

(द्वे॒ष – इ॒मा – अ॒ष्टाद॑श च) (A1)

#### T.S.1.3.2.1 - Kramam

रक्षो॑ह॒णो व॒लग॒हनः॑ । रक्षो॑ह॒ण इति॑ रक्षः॑ – ह॒नः । व॒लग॒हनो॑  
वैष्ण॑वान् । व॒लग॒हन इति॑ व॒लग – ह॒नः । वैष्ण॑वान् ख॒नामि॑ ।

ख॒ना॒मी॒दम् । इ॒द॒म॒हम् । अ॒हम् तम् । तं व॑ल॒गम् । व॒ल॒ग॒मुत् ।  
 व॒ल॒ग॒मि॒ति वल॑ – गम् । उद् व॑पामि । व॒पामि॒ यम् । यम् नः॑ ।  
 नः स॒मानः । स॒मानो॑ यम् । यम॑स॒मानः । अ॒स॒मानो॑ नि॒च॒खान॑ ।  
 नि॒च॒खाने॑दम् । नि॒च॒खाने॑ति॒ नि – च॒खान॑ । इ॒दमे॑नम् । ए॒न॒म॒ध॒रम् ।  
 अ॒ध॒रम् क॑रोमि । क॑रोमि॒ यः । यो नः॑ । नः स॒मानः । स॒मानो॑ यः ।  
 योऽस॑मानः । अ॒स॒मानो॑ ऽरा॒ती॒यति॑ । अ॒रा॒ती॒यति॑ गा॒य॒त्रेण॑ । गा॒य॒त्रेण॑  
 छ॒न्द॒सा । छ॒न्द॒सा ऽव॑बाढः । अ॒व॒बाढो॑ व॒ल॒गः । अ॒व॒बाढ॑  
 इ॒त्य॒व – बा॑ढः । व॒ल॒गः कि॑म् । व॒ल॒ग इति॑ वल॑ – गः । कि॑म॒त्र ।  
 अ॒त्र भ॑द्रम् । भ॒द्रम् तत् । तन्नौ॑ । नौ स॒ह । स॒ह वि॒राट् । वि॒राड॑सि ।  
 वि॒राडि॑ति॒ वि – रा॑ट् । अ॒सि स॒प॒न्न॒हा । स॒प॒न्न॒हा स॒म्राट् । स॒प॒न्न॒हेति॑  
 स॒प॒न्न – हा । स॒म्राड॑सि । स॒म्राडि॑ति॒ सम् – रा॑ट् । अ॒सि भ्रा॑तृ॒व्य॒हा ।  
 भ्रा॑तृ॒व्य॒हा स्व॒राट् । भ्रा॑तृ॒व्य॒हेति॑ भ्रा॑तृ॒व्य – हा ।  
 स्व॒राड॑सि । स्व॒राडि॑ति॒ स्व – रा॑ट् । अ॒स्य॒भि॒मा॒ति॒हा ।  
 अ॒भि॒मा॒ति॒हा वि॒श्वा॒राट् । अ॒भि॒मा॒ति॒हेत्य॑भि॒मा॒ति – हा ।

वि॒श्वा॒रा॒ड॒सि॒ । वि॒श्वा॒रा॒डि॒ति॒ वि॒श्व॒ – रा॒ट् । अ॒सि॒ वि॒श्वा॒सा॒म् ।  
वि॒श्वा॒सा॒म् ना॒ष्ट्रा॒णाम् । ना॒ष्ट्रा॒णां॑ ह॒न्ता॒ । ह॒न्ता॒ रक्षो॒हणः॑ । 3 (50/63)

**T.S.1.3.2.2 - Kramam**

रक्षो॒हणो॑ व॒लग॒हनः॑ । रक्षो॒हण॑ इति॒ रक्षः॑ – ह॒नः॑ । व॒लग॒हनः॑ प्र ।  
व॒लग॒हन॑ इति॒ व॒लग॑ – ह॒नः॑ । प्रो॒क्षामि॑ । उ॒क्षामि॑ वै॒ष्णवा॑न् ।  
वै॒ष्णवा॑न् रक्षो॒हणः॑ । रक्षो॒हणो॑ व॒लग॒हनः॑ । रक्षो॒हण॑ इति॒  
रक्षः॑ – ह॒नः॑ । व॒लग॒हनो॑ऽव । व॒लग॒हन॑ इति॒ व॒लग॑ – ह॒नः॑ ।  
अ॒व न॒यामि॑ । न॒यामि॑ वै॒ष्णवा॑न् । वै॒ष्णवा॑न् य॒वः । य॒वो॑ऽसि॒ ।  
अ॒सि य॒वय॑ । य॒वया॑स्मत् । अ॒स्मद् द्वेषः॑ । द्वेषो॑ य॒वय॑ । य॒वया॑रा॒तीः ।  
अ॒रा॒ती रक्षो॒हणः॑ । रक्षो॒हणो॑ व॒लग॒हनः॑ । रक्षो॒हण॑ इति॒ रक्षः॑ – ह॒नः॑ ।  
व॒लग॒हनो॑ऽव । व॒लग॒हन॑ इति॒ व॒लग॑ – ह॒नः॑ । अ॒व स्तृ॑णामि ।  
स्तृ॑णामि॒ वै॒ष्णवा॑न् । वै॒ष्णवा॑न् रक्षो॒हणः॑ । रक्षो॒हणो॑ व॒लग॒हनः॑ ।  
रक्षो॒हण॑ इति॒ रक्षः॑ – ह॒नः॑ । व॒लग॒हनो॑ऽभि । व॒लग॒हन॑ इति॒  
व॒लग॑ – ह॒नः॑ । अ॒भि जु॒होमि॑ । जु॒होमि॑ वै॒ष्णवा॑न् ।  
वै॒ष्णवा॑न् रक्षो॒हणौ॑ । रक्षो॒हणौ॑ व॒लग॒हनौ॑ । रक्षो॒हणा॒विति॑  
रक्षः॑ – ह॒नौ॑ । व॒लग॒हना॒वुप॑ । व॒लग॒हना॒विति॑ व॒लग॑ – ह॒नौ॑ ।



उप॑ द॒धामि॑ । द॒धामि॑ वै॒ष्णवी॑ । वै॒ष्णवी॑ र॒क्षो॒हणौ॑ ॥ वै॒ष्णवी॑ इति॑  
 वै॒ष्णवी॑ । र॒क्षो॒हणौ॑ व॒लग॒हनौ॑ ॥ र॒क्षो॒हणा॒विति॑ र॒क्षः - ह॒नौ॑ ॥  
 व॒लग॒हनौ॑ परि॑ । व॒लग॒हना॒विति॑ व॒लग - ह॒नौ॑ ॥ पर्यू॑हामि॑ । ऊ॒हामि॑  
 वै॒ष्णवी॑ । वै॒ष्णवी॑ र॒क्षो॒हणौ॑ ॥ वै॒ष्णवी॑ इति॑ वै॒ष्णवी॑ । र॒क्षो॒हणौ॑  
 व॒लग॒हनौ॑ ॥ र॒क्षो॒हणा॒विति॑ र॒क्षः - ह॒नौ॑ ॥ व॒लग॒हनौ॑ परि॑ ।  
 व॒लग॒हना॒विति॑ व॒लग - ह॒नौ॑ ॥ परि॑ स्तृणामि॑ । स्तृ॒णामि॑ वै॒ष्णवी॑ ।  
 वै॒ष्णवी॑ र॒क्षो॒हणौ॑ ॥ वै॒ष्णवी॑ इति॑ वै॒ष्णवी॑ । र॒क्षो॒हणौ॑ व॒लग॒हनौ॑ ।  
 र॒क्षो॒हणा॒विति॑ र॒क्षः - ह॒नौ॑ ॥ व॒लग॒हनौ॑ वै॒ष्णवी॑ । व॒लग॒हना॒विति॑  
 व॒लग - ह॒नौ॑ ॥ वै॒ष्णवी॑ बृ॒हन् ॥ वै॒ष्णवी॑ इति॑ वै॒ष्णवी॑ । बृ॒हन्न॑सि ।  
 अ॒सि बृ॒हद्ग्रा॑वा । बृ॒हद्ग्रा॑वा बृ॒हती॑म् । बृ॒हद्ग्रा॑वेति॑  
 बृ॒हत् - ग्रा॑वा । बृ॒हती॑मिन्द्रा॒य ( ) । इन्द्रा॒य वा॑चम् । वा॒चं व॑द ।  
 व॒देति॑ वद ॥ 4 (52/73) (ह॒न्ते-न्द्रा॒य द्वे च॑) (A2)

**T.S.1.3.3.1 - Kramam**

वि॒भूर॑सि । वि॒भूरि॑ति वि - भूः । अ॒सि प्र॒वा॒हणः॑ । प्र॒वा॒ह॒णो व॒हिः ।  
 प्र॒वा॒ह॒ण इति॑ प्र - वा॒हनः॑ । व॒हिर॑सि । अ॒सि ह॒व्यवा॑हनः ।  
 ह॒व्यवा॑हनः श्वा॒त्रः । ह॒व्यवा॑हन इति॑ ह॒व्य - वा॑हनः । श्वा॒त्रोऽसि॑ ।

अ॒सि॒ प्र॒चे॒ताः । प्र॒चे॒तास्तु॒थः । प्र॒चे॒ता इति॒ प्र – चे॒ताः ।  
 तु॒थो॒ऽसि॒ । अ॒सि॒ वि॒श्ववे॒दाः । वि॒श्ववे॒दा उ॒शिक् । वि॒श्ववे॒दा  
 इति॒ वि॒श्व – वे॒दाः । उ॒शि॒ग॒सि॒ । अ॒सि॒ क॒विः । क॒वि॒रङ्घा॒रिः ।  
 अङ्घा॒रि॒र॒सि॒ । अ॒सि॒ ब॒म्भा॒रिः । ब॒म्भा॒रि॒रव॒स्युः । अ॒व॒स्यु॒र॒सि॒ ।  
 अ॒सि॒ दु॒व॒स्वान् । दु॒व॒स्वाञ्छु॒न्ध्यूः । शु॒न्ध्यू॒र॒सि॒ । अ॒सि॒ मा॒र्जा॒ली॒यः ।  
 मा॒र्जा॒ली॒यः स॒म्राट् । स॒म्राड॒सि॒ । स॒म्राडि॒ति सं – राट् ।  
 अ॒सि॒ कृ॒शानुः । कृ॒शानुः प॒रिष॒द्यः । कृ॒शानु॒रिति॒ कृ॒श – अनुः ।  
 प॒रिष॒द्यो॒ऽसि॒ । प॒रिष॒द्य इति॒ प॒रि – स॒द्यः । अ॒सि॒ प॒व॒मा॒नः । प॒व॒मा॒नः  
 प्र॒तक्वा॑ । प्र॒तक्वा॑ऽसि॒ । प्र॒तक्वे॒ति प्र – तक्वा॑ । अ॒सि॒ न॒भ॒स्वान् ।  
 न॒भ॒स्वान॒स॒म्मृ॒ष्टः । अ॒स॒म्मृ॒ष्टो॒ऽसि॒ । अ॒स॒म्मृ॒ष्ट इत्य॑स॒म् – मृ॒ष्टः ।  
 अ॒सि॒ ह॒व्य॒सू॒दः । ह॒व्य॒सू॒द ऋ॒त॒धा॒मा । ह॒व्य॒सू॒द इति॒ ह॒व्य – सू॒दः ।  
 ऋ॒त॒धा॒मा॒ऽसि॒ । ऋ॒त॒धा॒मे॒त्यृ॒त – धा॒मा । अ॒सि॒ सु॒व॒ज्यो॒तिः ।  
 सु॒व॒ज्यो॒तिर् ब्र॒ह्म॒ज्यो॒तिः । सु॒व॒ज्यो॒तिरिति॒ सु॒वः – ज्यो॒तिः ।  
 ब्र॒ह्म॒ज्यो॒ति॒र॒सि॒ । ब्र॒ह्म॒ज्यो॒तिरिति॒ ब्र॒ह्म – ज्यो॒तिः । अ॒सि॒ सु॒व॒र्द्धा॒मा ।  
 सु॒व॒र्द्धा॒मा॒ऽजः । सु॒व॒र्द्धा॒मे॒ति सु॒वः – धा॒मा । अ॒जो॒ऽसि॒ ।

अ॒स्ये॒क॒पा॒त् । ए॒क॒पा॒द॒हिः । ए॒क॒पा॒दि॒त्ये॒क - पा॒त् । अ॒हि॒र॒सि॒ ।  
 अ॒सि॒ बु॒दि॒ध्न॒यः । बु॒दि॒ध्न॒यो रौ॒द्रे॒ण । रौ॒द्रे॒णानी॒केन॑ ( ) । अ॒नी॒केन॑  
 पा॒हि॒ । पा॒हि॒ मा॒ ॥ मा॒ग्ने॒ । अ॒ग्ने॒ पि॒पृ॒हि॒ । पि॒पृ॒हि॒ मा॒ ॥ मा॒ मा॒ ।  
 मा॒ मा॒ ॥ मा॒ हि॒॒सीः । हि॒॒सी॒रि॒ति॒ हि॒॒सीः ॥ 5 (58/74)

(अ॒नी॒केना॑-ष्टौ च) (A3)

**T.S.1.3.4.1 - Kramam**

त्व॒ सो॒म । सो॒म त॒नू॒कृ॒द्भ्यः॑ । त॒नू॒कृ॒द्भ्यो॒ द्वेषो॑भ्यः । त॒नू॒कृ॒द्भ्य  
 इति॑ त॒नू॒कृ॒त् - भ्यः॑ । द्वेषो॑भ्यो॒ऽन्य॒कृ॒ते॒भ्यः॑ । द्वेषो॑भ्य इति॑  
 द्वेषः॑ - भ्यः॑ । अ॒न्य॒कृ॒ते॒भ्य उ॒रु । अ॒न्य॒कृ॒ते॒भ्य इत्य॑न्य - कृ॒ते॒भ्यः॑ ।  
 उ॒रु य॒न्ता । य॒न्ता॒ऽसि॒ । अ॒सि॒ व॒रू॒थम् । व॒रू॒थ॒ स्वाहा॑ ॥  
 स्वाहा॑ जु॒षा॒णः । जु॒षा॒णो अ॒प्तुः । अ॒प्तु॒रा॒ज्य॒स्य । आ॒ज्य॒स्य वे॒तु ।  
 वे॒तु स्वाहा॑ ॥ स्वाहा॑ऽयम् । अ॒यम् नः॑ । नो॒ अ॒ग्निः । अ॒ग्नि॒र् व॒रि॒वः ।  
 व॒रि॒वः कृ॒णो॒तु । कृ॒णो॒त्व॒यम् । अ॒यम् मृ॒धः । मृ॒धः पु॒रः । पु॒र ए॒तु ।  
 ए॒तु प्र॒भि॒न्द॒न् । प्र॒भि॒न्द॒न्निति॑ प्र - भि॒न्द॒न् ॥ अ॒य॒ श॒त्रून् ।  
 श॒त्रून् ज॒यतु॑ । ज॒यतु॑ ज॒र्ह॒षा॒णः । ज॒र्ह॒षा॒णो॒ऽयम् । अ॒यं वा॒जम् ।  
 वा॒जम् ज॒यतु॑ । ज॒यतु॑ वा॒ज॒सा॒तौ । वा॒ज॒सा॒ता॒वि॒ति॒ वा॒ज - सा॒तौ ॥

उ॒रु वि॒ष्णो । वि॒ष्णो वि॒ । वि॒ष्णो इति॑ वि॒ष्णो । वि॒ क्र॒मस्व॑ ।  
 क्र॒मस्वो॒रु । उ॒रु क्ष॒याय॑ । क्ष॒याय॑ नः॑ । नः॑ कृ॒धि । कृ॒धीति॑ कृ॒धि ॥  
 घृ॒तम् घृ॒तयो॒ने । घृ॒तयो॒ने पि॒ब । घृ॒तयो॒न इति॑ घृ॒त – यो॒ने ।  
 पि॒ब प्र॒प्र । प्र॒प्र य॒ज्ञप॑तिम् । प्र॒प्रेति॑ प्र – प्र । य॒ज्ञप॑तिम् ति॒र ।  
 य॒ज्ञप॑तिमि॒ति य॒ज्ञ – प॒तिम् । ति॒रेति॑ ति॒र ॥ सोमो॑ जिगाति ।  
 जिगाति॑ गा॒तुवि॒त् । गा॒तुवि॒द् दे॒वाना॑म् ।  
 गा॒तुवि॒दिति॑ गा॒तु – वि॒त् । 6 (50/58)

**T.S.1.3.4.2 - Kramam**

दे॒वाना॑मेति॑ । ए॒ति नि॒ष्कृ॒तम् । नि॒ष्कृ॒तमृ॒तस्य॑ । नि॒ष्कृ॒तमि॒ति  
 निः – कृ॒तम् । ऋ॒तस्य॑ यो॒निम् । यो॒निमा॒सद॑म् । आ॒सद॑मदि॒त्याः ।  
 आ॒सद॑मि॒त्या – स॒दम् । अदि॒त्याः स॒दः । स॒दोऽसि॑ । अ॒स्यदि॒त्याः ।  
 अदि॒त्याः स॒दः । स॒द आ॑ । आ सी॒द । सी॒दैषः॑ । ए॒ष वः॑ । वो॒ दे॒व ।  
 दे॒व स॒वितः॑ । स॒वितः॑ सोमः॑ । सोम॒स्तम् । त॒ रक्ष॑ध्वम् ।  
 रक्ष॑ध्वम् मा । मा वः॑ । वो॒ द॒भत् । द॒भदे॑तत् । ए॒तत् त्वम्॑ ।  
 त्व॒ सोम॑ । सोम॒ दे॒वः । दे॒वो दे॒वान् । दे॒वानु॑प । उ॒पागाः॑ ।  
 अ॒गा इ॒दम् । इ॒दम॒हम् । अ॒हम् म॒नुष्यः॑ । म॒नुष्यो॑ म॒नुष्या॑न् ।

म॒नु॒ष्यान्त् सह॑ । सह॑ प्र॒जया॑ । प्र॒जया॑ सह॑ । प्र॒जये॑ति प्र – जया॑ ।  
 सह॑ रा॒यः । रा॒यस्पो॑षेण । पो॑षेण नमः॑ । नमो॑ दे॒वेभ्यः॑ । दे॒वेभ्यः॑  
 स्व॒धा । स्व॒धा पि॒तृभ्यः॑ । स्व॒धेति॑ स्व – धा । पि॒तृभ्य॑ इ॒दम् ।  
 पि॒तृभ्य॑ इति॑ पि॒तृ – भ्यः॑ । इ॒दम॑हम् । अ॒हम् निः॑ । निर् वरु॑णस्य ।  
 वरु॑णस्य पा॒शात् । पा॒शात् सु॒वः । सु॒वर॑भि ( ) ।

अ॒भि वि । 7 (50/55)

**T.S.1.3.4.3 - Kramam**

वि ख्ये॑षम् । ख्ये॑षं वै॒श्वान॑रम् । वै॒श्वान॑रम् ज्योतिः॑ । ज्योति॑र॒ग्नै ।  
 अ॒ग्नै व्र॑तपते । व्र॑तपते त्वम् । व्र॑तपत इति॑ व्रत – पते । त्वं  
 व्र॑ताना॒म् । व्र॑तानां व्र॑तपतिः॑ । व्र॑तपति॒रसि॑ । व्र॑तपति॒रिति॑ व्रत–पतिः॑ ।  
 अ॒सि या॑ । या म॑म । म॑म त॒नूः । त॒नूस्त्वयि॑ । त्वय्य॑भूत् । अ॒भूदि॑यम् ।  
 इ॒य॒ सा । सा म॑यि । म॑यि या॑ । या त॑व । त॑व त॒नूः । त॒नूर् म॑यि ।  
 मय्य॑भूत् । अ॒भूदे॑षा । ए॒षा सा॑ । सा त्वयि॑ । त्वयि॑ यथा॒यथ॑म् ।  
 यथा॒यथं॑ नौ । यथा॒यथ॑मिति॑ यथा – यथ॑म् । नौ व्र॑तपते । व्र॑तपते  
 व्र॑तिनोः॑ । व्र॑तपत इति॑ व्रत – पते । व्र॑तिनो॑र् व्र॑तानि॑ । व्र॑तानीति॑  
 व्र॑तानि॑ । 8 (31/35) (गा॒तुवि॒द–भ्ये–क॒त्रि॒श॒च्च) (A4)

**T.S.1.3.5.1 - Kramam**

अ॒त्य॒न्यान् । अ॒न्या॒नगा॒म् । अ॒गा॒म् न । ना॒न्यान् । अ॒न्या॒नुप॑ ।  
 उ॒पा॒गा॒म् । अ॒गा॒म॒र्वाक् । अ॒र्वाक् त्वा॑ । त्वा॒ परैः॑ । परै॑रवि॒दम् ।  
 अ॒वि॒दम् प॒रः । प॒रोऽव॑रैः । अ॒व॒रैस्त॑म् । तम् त्वा॑ । त्वा॒ जु॒षे ।  
 जु॒षे वै॒ष्ण॒वम् । वै॒ष्ण॒वम् दे॒वय॑ज्यायै । दे॒वय॑ज्यायै दे॒वः । दे॒वय॑ज्याया  
 इति॑ दे॒व – य॒ज्यायै॑ । दे॒वस्त्वा॑ । त्वा॒ स॒वि॒ता । स॒वि॒ता म॒ध्वा॑ ।  
 म॒ध्वा॑ऽन॒क्तु । अ॒न॒क्त्वो॑ष॒धे । ओ॒ष॒धे त्रा॑यस्व । त्रा॑यस्वै॒नम् ।  
 ए॒न॒७ स्व॑धि॒ते । स्व॑धि॒ते मा॑ । स्व॑धि॒त इति॑ स्व – धि॒ते । मै॒नम् ।  
 ए॒न॒७ हि॒॑सीः । हि॒॑सीर् दि॒वम् । दि॒वम॑ग्रेण । अ॒ग्रेण॑ मा॑ ।  
 मा॒ ले॒खीः॑ । ले॒खी॒रन्त॑रि॒क्षम् । अ॒न्त॑रि॒क्षम् म॒द्ध्ये॑न । म॒द्ध्ये॑न मा॑ ।  
 मा॒ हि॒॑सीः । हि॒॑सीः पृ॒थि॒व्या । पृ॒थि॒व्या स॒म् । स॒म् भ॒व ।  
 भ॒व व॑नस्प॒ते । व॑नस्प॒ते श॑त॒वल्॒शः । श॑त॒वल्॒शो वि॑ । श॑त॒वल्॒श  
 इति॑ श॑त॒वल्॒शः । वि॑ रो॒ह । रो॒ह स॒हस्र॑वल्॒शाः । स॒हस्र॑वल्॒शा  
 वि॑ । स॒हस्र॑वल्॒शा इति॑ स॒हस्र॑ – वल्॒शाः । वि॑ व॒यम् । व॒य॑७ रु॒हेम॑ ।  
 रु॒हेम॑ यम् ( ) । यम् त्वा॑ । त्वा॒ऽयम् । अ॒य॒७ स्व॑धि॒तिः । स्व॑धि॒ति  
 स्तेति॑जानः । स्व॑धि॒तिरिति॑ स्व – धि॒तिः । तेति॑जानः प्र॒णि॒नाय॑ ।

प्र॒णि॒नाय॑ मह॒ते । प्र॒णि॒नाये॑ति प्र – नि॒नाय॑ । मह॒ते सौ॒भगा॑य ।

सौ॒भगा॑याच्छि॒न्नः । अ॒च्छि॒न्नो रा॒यः । रा॒यः सु॒वीरः॑ ।

सु॒वीर॑ इति सु – वी॒रः ॥ 9 (60/66) (यं-दश॑ च) (A5)

**T.S.1.3.6.1 - Kramam**

पृ॒थि॒व्यै त्वा॑ । त्वा॒ऽन्त॒रि॒क्षाय॑ । अ॒न्त॒रि॒क्षाय॑ त्वा । त्वा दि॒वे ।

दि॒वे त्वा॑ । त्वा शु॒न्धता॑म् । शु॒न्धतां॑ लो॒कः । लो॒कः पि॒तृष॑दनः ।

पि॒तृष॑दनो यवः । पि॒तृष॑दन इति पि॒तृ – स॑दनः । यवो॑ऽसि ।

अ॒सि यव॑य । यव॑यास्मत् । अ॒स्मद् द्वेषः॑ । द्वेषो॑ यव॑य । यव॑या॒रा॒तीः ।

अ॒रा॒तीः पि॒तृणा॑म् । पि॒तृणां॑ स॑दनम् । स॑दनमसि । अ॒सि स्वा॒वे॒शः ।

स्वा॒वे॒शो॑ऽसि । स्वा॒वे॒श इति॑ सु – आ॒वे॒शः । अ॒स्य॒ग्रे॒गाः ।

अ॒ग्रे॒गा ने॑तृणा॑म् । अ॒ग्रे॒गा इत्य॑ग्रे – गाः । ने॑तृणां॑ व॒नस्प॑तिः ।

व॒नस्प॑तिरधि॑ । अधि॑ त्वा । त्वा स्था॒स्य॒ति । स्था॒स्य॒ति तस्य॑ । तस्य॑

वि॒त्तात् । वि॒त्ताद् दे॒वः । दे॒वस्त्वा॑ । त्वा स॒वि॒ता । स॒वि॒ता म॒ध्वा ।

म॒ध्वाऽन॑क्तु । अ॒न॒क्तु सु॒पि॒प्प॒लाभ्यः॑ । सु॒पि॒प्प॒लाभ्य॑स्त्वा ।

सु॒पि॒प्प॒लाभ्य॑ इति सु-पि॒प्प॒लाभ्यः॑ । त्वौष॑धीभ्यः । ओष॑धीभ्य॒ उत् ।

ओष॑धीभ्य॒ इत्योष॑धि-भ्यः । उ॒द् दि॒वम् । दि॒वः स्त॒भान॑ । स्त॒भाना॑ ।

आ॒ऽन्तरि॑क्षम् । अ॒न्तरि॑क्षम् पृ॒ण । पृ॒ण पृ॒थि॒वीम् । पृ॒थि॒वीमु॒परे॑ण ।  
उ॒परे॑ण दृ॒ह । दृ॒ह ते । ते ते ॥ ते धा॒मानि॑ । धा॒मान्यु॒श्मसि॑ ।

उ॒श्मसी॑ गम॒द्ध्ये ॥ 10 (50/55)

**T.S.1.3.6.2 - Kramam**

गम॒द्ध्ये गा॒वः । गा॒वो य॒त्र । य॒त्र भू॒रिशृ॑ङ्गाः । भू॒रिशृ॑ङ्गा अ॒यासः॑ ।  
भू॒रिशृ॑ङ्गा इति॑ भू॒रि – शृ॑ङ्गाः । अ॒यास॒ इत्य॒यासः॑ ॥  
अ॒त्राह॑ । अ॒ह तत् । तदु॒रुगा॒यस्य॑ । उ॒रुगा॒यस्य॑ वि॒ष्णोः॑ ।  
उ॒रुगा॒यस्ये॒त्यु॒रु-गा॒यस्य॑ । वि॒ष्णोः॑ प॒रमम् । प॒रमम् प॒दम् । प॒दम॑व ।  
अ॒व भा॑ति । भा॒ति भू॒रैः । भू॒रेरि॑ति भू॒रैः ॥ वि॒ष्णोः॑ क॒र्माणि॑ । क॒र्माणि॑  
प॒श्य॒त । प॒श्य॒त य॒तः । य॒तो ब्र॑तानि । ब्र॒तानि॑ प॒स्प॒शे । प॒स्प॒श इति॑  
प॒स्प॒शे ॥ इन्द्र॑स्य यु॒ज्यः । यु॒ज्यः स॒खा । स॒खेति॑ स॒खा ॥  
तद् वि॒ष्णोः॑ । वि॒ष्णोः॑ प॒रमम् । प॒रमम् प॒दम् । प॒दं स॒दा । स॒दा  
प॒श्य॒न्ति । प॒श्य॒न्ति सू॒रयः॑ । सू॒रय॑ इति॑ सू॒रयः॑ ॥ दि॒वीव॑ । इ॒व चक्षुः॑ ।  
चक्षु॑रा॒त॒तम् । आ॒त॒त॒मि॒त्या – त॒तम् ॥ ब्र॒ह्म॒व॒नि॒म् त्वा । ब्र॒ह्म॒व॒नि॒मि॒ति  
ब्र॒ह्म – व॒नि॒म् । त्वा क्ष॒त्र॒व॒नि॒म् । क्ष॒त्र॒व॒नि॒ं सु॒प्र॒जा॒व॒नि॒म् ।  
क्ष॒त्र॒व॒नि॒मि॒ति क्ष॒त्र – व॒नि॒म् । सु॒प्र॒जा॒व॒नि॒ं रा॒य॒स्पोष॑व॒नि॒म् ।



सु॒प्र॒जा॒व॒नि॒मि॒ति॑ सु॒प्र॒जा – व॒निम् । रा॒य॒स्पो॒ष॒व॒निम् परि॑ ।  
 रा॒य॒स्पो॒ष॒व॒नि॒मि॒ति॑ रा॒य॒स्पो॒ष – व॒निम् । पर्यू॑हामि । ऊ॒हामि॑ ब्र॒ह्म ।  
 ब्र॒ह्म दृ॒ह । दृ॒ह क्ष॒त्रम् । क्ष॒त्रम् दृ॒ह । दृ॒ह प्र॒जाम् ।  
 प्र॒जाम् दृ॒ह । प्र॒जामि॒ति॑ प्र – जा॒म् । दृ॒ह रा॒यः । रा॒य॒स्पो॒षम् ( ) ।  
 पो॒षम् दृ॒ह । दृ॒ह परि॒वीः । परि॒वीर॑सि । परि॒वीरि॑ति परि – वीः ।  
 अ॒सि परि॑ । परि॑ त्वा । त्वा॒ दै॒वीः । दै॒वीर् वि॒शः । वि॒शौ व्य॑यन्ताम् ।  
 व्य॑यन्ताम् परि॑ । परी॒मम् । इ॒म॒ रा॒यः । रा॒य॒स्पो॒षः । पो॒षो य॑ज॒मानम् ।  
 य॑ज॒मानम् म॒नुष्याः॑ । म॒नुष्या॑ अ॒न्तरि॑क्षस्य । अ॒न्तरि॑क्षस्य त्वा । त्वा॒  
 सा॒नौ । सा॒ना॒व॒व । अ॒व गू॑हामि । गू॒हामी॑ति गू॑हामि ॥ 11 (69/77)

(उ॒म॒सी-पो॒षमे-का॒त्र वि॒शति॑श्च) (A6)

**T.S.1.3.7.1 - Kramam**

इ॒षे त्वा॑ । त्वो॒प॒वीः । उ॒प॒वीर॑सि । उ॒प॒वीरि॑त्युप – वीः । अ॒स्यु॒पो ।  
 उ॒पो दे॒वान् । उ॒पो इ॒त्यु॒पो । दे॒वान् दै॒वीः । दै॒वीर् वि॒शः । वि॒शः प्र ।  
 प्रा॒गुः । अ॒गुर् व॒ह्नीः । व॒ह्नीरु॑शिजः । उ॒शि॒जो बृ॑हस्पते । बृ॑हस्पते  
 धा॒रय॑ । धा॒रया॑ व॒सूनि॑ । व॒सूनि॑ ह॒व्या । ह॒व्या ते॑ । ते॒ स्व॒दन्ता॑म् ।  
 स्व॒दन्ता॑म् दे॒व । दे॒व त्व॑ष्टः । त्व॒ष्टर् व॒सु । व॒सु॒र॒ण्व । र॒ण्व रे॒वतीः॑ ।

प्रथम काण्डे – तृतीयः प्रश्नः – (TS 1.3)

रे॒वती॑ र॒म॒द्ध॒वम् । र॒म॒द्ध॒व॒म॒ग्नेः॑ । अ॒ग्नेर् ज॒नि॒त्रम् । ज॒नि॒त्र॒म॒सि ।  
अ॒सि वृ॒ष॒णौ । वृ॒ष॒णौ स्थः॑ । स्थ उ॒र्व॒शी । उ॒र्व॒श्य॒सि । अ॒स्या॒युः ।  
आ॒यु॒र॒सि । अ॒सि पु॒रू॒र॒वाः । पु॒रू॒र॒वा घृ॒तेन॑ । घृ॒तेना॒क्ते । अ॒क्ते  
वृ॒ष॒णम् । अ॒क्ते इ॒त्य॒क्ते । वृ॒ष॒णम् द॒धा॒थाम् । द॒धा॒थाम् गा॒य॒त्रम् ।  
गा॒य॒त्रम् छ॒न्दः । छ॒न्दोऽनु॑ । अनु॒ प्र । प्र जा॒य॒स्व । जा॒य॒स्व त्रै॒ष्टु॒भम् ।  
त्रै॒ष्टु॒भम् जा॒ग॒तम् । जा॒ग॒तम् छ॒न्दः । छ॒न्दोऽनु॑ । अनु॒ प्र ।  
प्र जा॒य॒स्व । जा॒य॒स्व भ॒व॒तम् ( ) । भ॒व॒तम् नः॑ । 12 (50/53)

**T.S.1.3.7.2 - Kramam**

नः॑ स॒म॒न॒सौ । स॒म॒न॒सौ स॒मो॒क॒सौ । स॒म॒न॒सा॒वि॒ति स – म॒न॒सौ ।  
स॒मो॒क॒सा॒व॒रे॒प॒सौ । स॒मो॒क॒सा॒वि॒ति सं – ओ॒क॒सौ ।  
अ॒रे॒प॒सा॒वि॒त्य॒रे॒प॒सौ ॥ मा य॒ज्ञम् । य॒ज्ञं हि॒सि॒ष्टम् । हि॒सि॒ष्टम्  
मा । मा य॒ज्ञ॒प॒तिम् । य॒ज्ञ॒प॒तिम् जा॒त॒वे॒द॒सौ । य॒ज्ञ॒प॒ति॒मि॒ति  
य॒ज्ञ – प॒तिम् । जा॒त॒वे॒द॒सौ शि॒वौ । जा॒त॒वे॒द॒सा॒वि॒ति जा॒त॒वे॒द॒सौ ।  
शि॒वौ भ॒व॒तम् । भ॒व॒त॒म॒द्य । अ॒द्य नः॑ । न इति॑ नः॑ ॥ अ॒ग्ना॒व॒ग्निः ।  
अ॒ग्निश्च॑रति । च॒र॒ति प्र॒वि॒ष्टः । प्र॒वि॒ष्ट ऋ॒षी॒णाम् । प्र॒वि॒ष्ट इति॑  
प्र – वि॒ष्टः । ऋ॒षी॒णाम् पु॒त्रः । पु॒त्रो अ॒धि॒रा॒जः । अ॒धि॒रा॒ज ए॒षः ।

अ॒धि॒रा॒ज इ॒त्यधि॑ – रा॒जः । ए॒ष इ॒त्येषः॑ ॥ स्वा॒हाकृत्य॑ ब्र॒ह्मणा॑ ।

स्वा॒हाकृत्ये॑ति स्वा॒हा – कृत्य॑ । ब्र॒ह्मणा॑ ते । ते जु॒होमि॑ ।

जु॒होमि॑ मा । मा दे॒वाना॑म् । दे॒वाना॑म् मिथु॒या । मिथु॒या कः॑ ।

क॒र्भा॒गधे॑यम् । भा॒गधे॑यमि॒ति भा॒ग – धे॑यम् ॥ 13 (31/38)

(भ॒वत॑-मे॒कत्रि॑ञ्शच्च) (A7)

**T.S.1.3.8.1 - Kramam**

आ ददे । दद ऋ॒तस्य॑ । ऋ॒तस्य॑ त्वा । त्वा दे॒वह॒विः । दे॒वह॒विः  
पा॒शेन॑ । दे॒वह॒विरि॑ति दे॒व – ह॒विः । पा॒शेना॑ । आ र॒भे । र॒भे ध॒र्ष ।

ध॒र्षा मा॒नुषान्॑ । मा॒नुषान्॑द्भ्यः । अ॒द्भ्यस्त्वा॑ । अ॒द्भ्य

इ॒त्यत् – भ्यः॑ । त्वौष॑धीभ्यः । ओष॑धीभ्यः प्र । ओष॑धीभ्य

इ॒त्योष॑धि-भ्यः । प्रो॒क्षामि॑ । उ॒क्षाम्य॑पाम् । अ॒पाम् पे॒रुः । पे॒रुर॑सि ।

अ॒सि स्वा॒त्तम् । स्वा॒त्तम् चि॒त् । चि॒त् स॒दे॒वम् । स॒दे॒व ह॒व्यम् ।

स॒दे॒वमि॒ति स – दे॒वम् । ह॒व्यमा॑पः । आ॒पो दे॒वीः । दे॒वीः स्व॑दत ।

स्व॑दतै॒नम् । ए॒न ह॒व्य॑ सम् । सम् ते॑ । ते प्रा॒णः । प्रा॒णो वा॒युना॑ । प्रा॒ण

इ॒ति प्र – अ॒नः । वा॒युना॑ गच्छ॒ताम् । गच्छ॒ता ह॒व्य॑ सम् । सं य॑जत्रैः ।

य॑जत्रै॒रङ्गानि॑ । अ॒ङ्गानि॑ सम् । सं य॑ज्ञपतिः । य॑ज्ञपतिरा॒शिषा॑ ।

प्रथम काण्डे – तृतीयः प्रश्नः – (TS 1.3)

य॒ज्ञप॒तिरि॒ति य॒ज्ञ – प॒तिः । आ॒शिषा॑ घृ॒तेन॑ । आ॒शिषे॒त्या – शि॒षा ।  
घृ॒तेना॒क्तौ । अ॒क्तौ प॒शुम् । प॒शुम् त्रा॑ये॒थाम् । त्रा॑ये॒था रे॒वतीः॑ ।  
रे॒वतीर् य॒ज्ञप॒तिम् । य॒ज्ञप॒तिम् प्रि॒यधा॑ । य॒ज्ञप॒तिमि॒ति य॒ज्ञ – प॒तिम् ।  
प्रि॒यधा ऽऽ वि॒शत॑ । प्रि॒यधे॒ति प्रि॒य – धा॑ । आ वि॒शत॑ । वि॒शतो॒रो ।  
उ॒रो अ॒न्तरि॒क्ष । उ॒रो इ॒त्यु॒रो । अ॒न्तरि॒क्ष स॒जूः । स॒जूर् दे॒वेन॑ ( ) ।  
स॒जूरि॒ति स – जूः॑ । दे॒वेन॑ वा॒तेन॑ । 14 (50/61)

**T.S.1.3.8.2 - Kramam**

वा॒तेना॒स्य । अ॒स्य ह॒विषः॑ । ह॒विष॒स्मना॑ । त्मना॑ य॒ज । य॒ज स॒म् ।  
स॒मस्य॑ । अ॒स्य त॒नुवा॑ । त॒नुवा॑ भ॒व । भ॒व व॒र्षी॑यः । व॒र्षी॑यो  
व॒र्षी॑य॒सि । व॒र्षी॑य॒सि य॒ज्ञे । य॒ज्ञे य॒ज्ञप॒तिम् । य॒ज्ञप॒तिम् धाः॑ ।  
य॒ज्ञप॒तिमि॒ति य॒ज्ञ – प॒तिम् । धाः॑ पृ॒थि॒व्याः । पृ॒थि॒व्याः संपृ॑चः ।  
संपृ॑चः पा॒हि । संपृ॑च इति सं – पृ॑चः । पा॒हि न॒मः । न॒मस्ते॑ ।  
त आ॒तान॑ । आ॒ताना॒नर्वा॑ । आ॒ताने॒त्या – तान॑ । अ॒नर्वा॑ प्र । प्रे॒हि ।  
इ॒हि घृ॒तस्य॑ । घृ॒तस्य॑ कु॒ल्याम् । कु॒ल्याम॒नु । अ॒नु स॒ह ।  
स॒ह प्र॒जया॑ । प्र॒जया॑ स॒ह । प्र॒जये॒ति प्र – ज॒या । स॒ह रा॒यः ।  
रा॒यस्पो॒षेण॑ । पो॒षेणा॒पः । आ॒पो दे॒वीः । दे॒वीः शु॒द्धा॒युवः॑ ।

शु॒द्धा॒यु॒वः शु॒द्धाः । शु॒द्धा॒यु॒व इति शु॒द्ध – यु॒वः । शु॒द्धा यु॒यम् ।  
 यु॒यम् दे॒वान् । दे॒वाँ ऊ॒द्वम् । ऊ॒द्वँ शु॒द्धाः । शु॒द्धा व॒यम् ।  
 व॒यम् परि॒विष्टाः । परि॒विष्टाः परि॒वेष्टारः । परि॒विष्टा इति परि॒-विष्टाः ।  
 परि॒वेष्टारो वः । परि॒वेष्टार इति परि – वेष्टारः । वो भू॒यास्म ।  
 भू॒यास्मेति भू॒यास्म ॥ 15 (44/51)

(दे॒वन-चतु॑श्चत्वारिँ॒शच्च) (A8)

**T.S.1.3.9.1 - Kramam**

वा॒क्ते । त आ । आ प्या॒यता॑म् । प्या॒यता॑म् प्रा॒णः । प्रा॒णस्ते॑ ।  
 प्रा॒ण इति प्र – अ॒नः । त आ । आ प्या॒यता॑म् । प्या॒यता॑म् चक्षुः॑ ।  
 चक्षु॑स्ते । त आ । आ प्या॒यता॑म् । प्या॒यता॑ँ श्रो॒त्रम् । श्रो॒त्रम् ते ।  
 त आ । आ प्या॒यता॑म् । प्या॒यता॑ँ या॑ । या ते॑ । ते प्रा॒णान् ।  
 प्रा॒णाञ्छुक् । प्रा॒णानिति॑ प्र – अ॒नान् । शु॒ग् ज॒गाम् । ज॒गाम या॑ ।  
 या चक्षुः॑ । चक्षु॑र् या । या श्रो॒त्रम् । श्रो॒त्रं यत् । यत्ते॑ । ते कू॒रम् ।  
 कू॒रं यत् । यदा॑स्थि॒तम् । आस्थि॑तम् तत् ।  
 आस्थि॑तमित्या – स्थि॒तम् । तत्ते॑ । त आ । आ प्या॒यता॑म् ।  
 प्या॒यता॑म् तत् । तत्ते॑ । त ए॒तेन॑ । ए॒तेन॑ शु॒न्धता॑म् ।

शु॒न्ध॒ता॒म् ना॒भिः । ना॒भिस्ते । त॒ आ । आ॒ प्या॒यता॒म् । प्या॒यता॒म्  
पा॒युः । पा॒युस्ते ॥ त॒ आ । आ॒ प्या॒यता॒म् । प्या॒यता॒ञ् शु॒द्धाः ।  
शु॒द्धाश्च॒रि॒त्राः । च॒रि॒त्राः श॒म् । श॒मद्भ्यः । अ॒द्भ्यः श॒म् ।

अ॒द्भ्य इत्य॑त् – भ्यः । 16 (50/54)

**T.S.1.3.9.2 - Kramam**

श॒मोष॑धी॒भ्यः । ओष॑धी॒भ्यः श॒म् । ओष॑धी॒भ्य इत्योष॑धि – भ्यः ।  
श॒म् पृ॑थि॒व्यै । पृ॑थि॒व्यै श॒म् । श॒महो॑भ्या॒म् । अ॒हो॑भ्या॒मोष॑धे ।  
अ॒हो॑भ्या॒मित्य॑हः – भ्या॒म् । ओष॑धे त्रा॒यस्व । त्रा॒यस्वै॑नम् ।  
ए॒नञ् स्व॑धि॒ते । स्व॑धि॒ते मा । स्व॑धि॒त इति॑ स्व – धि॒ते । मै॒नम् ।  
ए॒नञ् हि॒ञ्सीः । हि॒ञ्सी र॑क्ष॒साम् । र॑क्ष॒साम् भा॒गः । भा॒गोऽसि॑ ।  
अ॒सीद॑म् । इ॒दम॑हम् । अ॒हञ् र॑क्षः । र॑क्षोऽध॒मम् । अ॒धम॑म् त॒मः ।  
त॒मो न॑यामि । न॒यामि॑ यः । योऽस्मा॑न् । अ॒स्मान् द्वेष्टि॑ । द्वेष्टि॑ यम् ।  
यम् च॑ । च॒ व॒यम् । व॒यम् द्वि॒ष्मः । द्वि॒ष्म इ॒दम् । इ॒दमे॑नम् ।  
ए॒नम॑ध॒मम् । अ॒धम॑म् त॒मः । त॒मो न॑यामि । न॒यामी॑षे । इ॒षे त्वा॑ ।  
त्वा॒ घृ॒तेन॑ । घृ॒तेन॑ द्या॒वापृ॑थि॒वी । द्या॒वापृ॑थि॒वी प्र । द्या॒वापृ॑थि॒वी  
इति॑ द्या॒वा – पृ॑थि॒वी । प्रो॒र्ण्वा॒थाम् । ऊ॒र्ण्वा॒थाम॑च्छिन्नः ।

अच्छि॑न्नो रा॒यः । रा॒यः सु॒वीरः । सु॒वीर उ॒रु । सु॒वीर इति॑  
 सु - वी॒रः । उ॒र्वन्त॑रि॒क्षम् । अ॒न्तरि॑क्ष॒मनु॑ । अ॒न्विहि॑ । इ॒हि वा॒यो ॥  
 वा॒यो वि । वा॒यो इति॑ वा॒यो । वी॒हि ( ) । इ॒हि स्तो॒काना॑म् ।  
 स्तो॒काना॑ स्वा॒हा । स्वा॒होर्ध्व॑नभसम् । ऊ॒र्ध्व॑नभसम् मा॒रुत॑म् ।  
 ऊ॒र्ध्व॑नभसमित्यू॒र्ध्व - न॒भस॑म् । मा॒रुत॑म् गच्छ॑तम् ।  
 गच्छ॑तमिति॑ गच्छ॑तम् ॥ 17 (55/62)

(अ॒द्भ्यो-वी॒हि-प॒ञ्च च॑) (A9)

**T.S.1.3.10.1 - Kramam**

सन्ते॑ । ते मन॑सा । मन॑सा मनः॑ । मनः॑ सम् । सं प्रा॒णेन॑ । प्रा॒णेन॑ प्रा॒  
 णः॑ । प्रा॒णेनेति॑ प्र - अ॒नेन॑ । प्रा॒णो जु॑ष्टम् । प्रा॒ण इति॑ प्र-अ॒नः ।  
 जु॑ष्टं दे॒वेभ्यः॑ । दे॒वेभ्यो॑ ह॒व्यम् । ह॒व्यम् घृ॑तवत् । घृ॑तव॒थ् स्वा॒हा ॥  
 घृ॑तवदिति॑ घृ॑त - व॒त् । स्वा॒हैन्द्रः॑ । ऐ॒न्द्रः प्रा॒णः । प्रा॒णो  
 अ॒ङ्गोअ॒ङ्गे । प्रा॒ण इति॑ प्र - अ॒नः । अ॒ङ्गोअ॒ङ्गे नि॑ । अ॒ङ्गोअ॒ङ्ग  
 इत्य॒ङ्गे - अ॒ङ्गे । नि॑ दे॒द्ध्यत् । दे॒द्ध्यदै॒न्द्रः । ऐ॒न्द्रोऽपानः॑ ।  
 अ॒पानो॑ अ॒ङ्गोअ॒ङ्गे । अ॒पान॑ इत्यप - अ॒नः । अ॒ङ्गोअ॒ङ्गे वि॑ ।  
 अ॒ङ्गोअ॒ङ्ग इत्य॒ङ्गे - अ॒ङ्गे । वि॑ बो॒भुवत् । बो॒भुवद् दे॒व ।

दे॒व त्व॑ष्टः । त्व॒ष्टर् भू॑रि । भू॒रि ते । ते स॒ञ्स॑म् । स॒ञ्स॑मेतु ।  
 स॒ञ्स॑मि॒ति सं – स॒म् । ए॒तु वि॑षु॒रूपाः । वि॑षु॒रूपा यत् । वि॑षु॒रूपा  
 इति॑ वि॒षु – रू॒पाः । यथ् स॑लक्ष्माणः । स॑लक्ष्माणो भव॑थ ।  
 स॑लक्ष्माण इति॑ स – लक्ष्माणः । भव॑थ दे॒वत्रा । दे॒वत्रा य॑न्तम् ।  
 दे॒वत्रे॑ति दे॒व – त्रा । य॑न्तमवसे । अ॒वसे स॑खायः । स॑खायोऽनु ।  
 अ॒नु त्वा । त्वा मा॒ता । मा॒ता पि॒तरः । पि॒तरो म॑दन्तु । म॒दन्तु श्रीः ।  
 श्री॑रसि । अ॒स्यग्निः । अ॒ग्निस्त्वा । त्वा श्री॑णातु । श्री॑णात्वापः ।  
 आपः॑ स॒म् । स॑मरिणन् । अ॒रिण॑न् वा॒तस्य॑ ( ) ।  
 वा॒तस्य॑ त्वा । 18 (50/61)

**T.S.1.3.10.2 - Kramam**

त्वा ध्र॑ज्यै । ध्र॑ज्यै पू॒ष्णः । पू॒ष्णो र॒ह्यै । र॒ह्या अ॒पाम् ।  
 अ॒पामो॑ष॒धीना॑म् । ओष॑धीना॒ञ् रोहि॑ष्यै । रोहि॑ष्यै घृ॒तम् । घृ॒तम्  
 घृ॒तपा॑वानः । घृ॒तपा॑वानः पि॒बत । घृ॒तपा॑वान इति॑ घृ॒त – पा॑वानः ।  
 पि॒बत व॑साम् । व॑सां व॑सापा॒वानः । व॑सापा॒वानः पि॒बत । व॑सापा॒वान  
 इति॑ व॑सा – पा॒वानः । पि॒बतान्तरि॑क्षस्य । अ॒न्तरि॑क्षस्य ह॒विः ।  
 ह॒विर॑सि । अ॒सि स्वा॑हा । स्वा॑हा त्वा । त्वाऽन्तरि॑क्षाय ।



अ॒न्तरि॑क्षाय॒ दि॒शः । दि॒शः प्र॒दि॒शः । प्र॒दि॒श आ॒दि॒शः । प्र॒दि॒श इति॑  
 प्र – दि॒शः । आ॒दि॒शो वि॒दि॒शः । आ॒दि॒श इत्या॑ – दि॒शः । वि॒दि॒श  
 उ॒द्दि॒शः । वि॒दि॒श इति॑ वि – दि॒शः । उ॒द्दि॒शः स्वाहा॑ । उ॒द्दि॒श  
 इत्यु॑त् – दि॒शः । स्वाहा॑ दि॒ग्भ्यः । दि॒ग्भ्यो नमः॑ । दि॒ग्भ्य इति॑  
 दिक् – भ्यः । नमो॑ दि॒ग्भ्यः । दि॒ग्भ्य इति॑ दिक् – भ्यः ॥ 19

(28/35) (वा॒तस्या॑-ष्टावि॑ंशतिश्च) (A10)

**T.S.1.3.11.1 - Kramam**

समु॒द्रम् गच्छ॑ । गच्छ॑ स्वाहा॑ । स्वाहा॑ऽन्तरि॑क्षम् । अ॒न्तरि॑क्षम् गच्छ॑ ।  
 गच्छ॑ स्वाहा॑ । स्वाहा॑ दे॒वम् । दे॒वः स॒वि॒तार॑म् । स॒वि॒तारं॑ गच्छ॑ ।  
 गच्छ॑ स्वाहा॑ । स्वाहा॑ऽहो॒रात्रे॑ । अ॒हो॒रात्रे॑ गच्छ॑ । अ॒हो॒रात्रे॑  
 इत्य॑हः – रा॒त्रे । गच्छ॑ स्वाहा॑ । स्वाहा॑ मि॒त्राव॑रुणौ । मि॒त्राव॑रुणौ  
 गच्छ॑ । मि॒त्राव॑रुणा॒विति॑ मि॒त्रा – व॑रुणौ । गच्छ॑ स्वाहा॑ ।  
 स्वाहा॑ सोम॑म् । सोम॑म् गच्छ॑ । गच्छ॑ स्वाहा॑ । स्वाहा॑ य॒ज्ञम् ।  
 य॒ज्ञम् गच्छ॑ । गच्छ॑ स्वाहा॑ । स्वाहा॑ छन्दा॑ऽसि । छन्दा॑ऽसि गच्छ॑ ।  
 गच्छ॑ स्वाहा॑ । स्वाहा॑ द्यावा॑पृथि॒वी । द्यावा॑पृथि॒वी गच्छ॑ ।  
 द्यावा॑पृथि॒वी इति॑ द्यावा॑ – पृथि॒वी । गच्छ॑ स्वाहा॑ । स्वाहा॑ नभः॑ ।

न॒भो दि॒व्यम् । दि॒व्यम् गच्छ॑ । गच्छ॑ स्वाहा॑ । स्वाहा॑ऽग्निम् ।  
 अ॒ग्निं वै॑श्वा॒नरम् । वै॒श्वा॒नरम् गच्छ॑ । गच्छ॑ स्वाहा॑ । स्वाहा॑ऽद्भ्यः ।  
 अ॒द्भ्यस्त्वा॑ । अ॒द्भ्य इत्यत् – भ्यः॑ । त्वौष॑धी॒भ्यः । ओष॑धी॒भ्यो  
 मनः॑ । ओष॑धी॒भ्य इत्योष॑धि – भ्यः॑ । मनो॑ मे । मे हा॒र्दि ।  
 हा॒र्दि यच्छ॑ । यच्छ॑ त॒नूम् । त॒नूम् त्वच॑म् । त्वच॑म् पु॒त्रम् । पु॒त्रम्  
 न॒प्तारम् । न॒प्तारम॑शीय । अ॒शीय॑ शुक् । शु॒गसि॑ ( ) । अ॒सि तम् ।  
 तम॑भि । अ॒भि शोच॑ । शोच॑ यः । योऽस्मा॑न् । अ॒स्मान् द्वेष्टि॑ ।  
 द्वेष्टि॑ यम् । यम् च॑ । च॒ वयम् । व॒यम् द्विष्मः॑ । द्विष्मो॑ धाम्नो॑धाम्नः ।  
 धाम्नो॑धाम्नो॑ राजन् । धाम्नो॑धाम्न॑ इति॑ धाम्नः – धाम्नः॑ । रा॒जन्नि॑तः ।  
 इतो॑ वरुण॑ । वरुण॑ नः । नो मु॒ञ्च । मु॒ञ्च यत् । यदा॑पः । आपो॑  
 अ॒घ्नियाः॑ । अ॒घ्निया॑ वरुण॑ । वरुणे॑ति । इति॑ श॒पामहे॑ । श॒पामहे॑ ततः॑ ।  
 ततो॑ वरुण॑ । वरुण॑ नः । नो मु॒ञ्च । मु॒ञ्चेति॑ मुञ्च ॥ 20 (76/82)

(अ॒सि-ष॒ड्व॒शतिश्च॑ ) (A11)

**T.S.1.3.12.1 - Kramam**

ह॒विष्म॑ती॒रिमाः॑ ( ) । इ॒मा आपः॑ । आपो॑ ह॒विष्मान् । ह॒विष्मान् दे॒वः ।  
 दे॒वो अ॒द्ध्वरः॑ । अ॒द्ध्वरो॑ ह॒विष्मान् । ह॒विष्मा॑ आ ।

आ वि॒वास॑ति । वि॒वा॒स॒ति॒ ह॒वि॒ष्मा॑न् । ह॒वि॒ष्मा॑ अ॒स्तु॒ ।  
 अ॒स्तु॒ सूर्यः॑ । सूर्य॑ इति॒ सूर्यः॑ ॥ अ॒ग्नेर् वः॑ । वो॒ऽप॒न्न॒गृ॒हस्य॑ ।  
 अ॒प॒न्न॒गृ॒हस्य॑ स॒दसि॑ । अ॒प॒न्न॒गृ॒हस्ये॒त्य॒प॒न्न॑ – गृ॒हस्य॑ । स॒दसि॑  
 सा॒दया॑मि । सा॒दया॑मि सु॒म्नाय॑ । सु॒म्नाय॑ सु॒म्निनीः॑ । सु॒म्निनीः॑  
 सु॒म्ने॑ । सु॒म्ने॑ मा॑ । मा॒ ध॒त्त॑ । ध॒त्तेन्द्रा॑ग्नियोः । इन्द्रा॑ग्नियोर्  
 भा॒ग॒धेयीः॑ । इन्द्रा॑ग्नियोरितीन्द्र – अ॒ग्नियोः॑ । भा॒ग॒धेयीः॑ स्थ॑ ।  
 भा॒ग॒धेयीरि॑ति भा॒ग – धेयीः॑ । स्थ॑ मि॒त्राव॑रुणयोः । मि॒त्राव॑रुणयोर्  
 भा॒ग॒धेयीः॑ । मि॒त्राव॑रुणयोरिति॒ मि॒त्रा – व॑रुणयोः । भा॒ग॒धेयीः॑ स्थ॑ ।  
 भा॒ग॒धेयीरि॑ति भा॒ग – धेयीः॑ । स्थ॑ वि॒श्वेषा॑म् । वि॒श्वेषा॑म् दे॒वाना॑म् ।  
 दे॒वाना॑म् भा॒ग॒धेयीः॑ । भा॒ग॒धेयीः॑ स्थ॑ । भा॒ग॒धेयीरि॑ति भा॒ग – धेयीः॑ ।  
 स्थ॑ य॒ज्ञे॑ । य॒ज्ञे॑ जा॒गृत॑ । जा॒गृते॑ति जा॒गृत॑ ॥ 21 (34/40)

(ह॒वि॒ष्म॒ती-श्च॑तु॒स्त्रि॑ंशत्) (A12)

**T.S.1.3.13.1 - Kramam**

हृ॒दे॒ त्वा॑ । त्वा॒ मन॑से । मन॑से त्वा । त्वा॒ दि॒वे॑ । दि॒वे॑ त्वा॑ । त्वा॒  
 सूर्या॑य । सूर्या॑य त्वा । त्वो॒र्ध्व॑म् । ऊ॒र्ध्व॑मि॒मम् । इ॒म॒म॒ध्व॑रम् ।

अ॒ध्व॒रम् कृ॒धि । कृ॒धि दि॒वि । दि॒वि दे॒वेषु॑ । दे॒वेषु॑ हो॒त्राः । हो॒त्रा  
य॒च्छ । य॒च्छ सोम॑ । सोम॑ रा॒जन् । रा॒जन्ना । ए॒हि । इ॒ह्यव॑ । अ॒व  
रो॒ह । रो॒ह मा । मा भेः॑ । भेर् मा । मा सम् । सं वि॒क्थाः । वि॒क्था  
मा । मा त्वा॑ । त्वा हि॒॒सि॒षम् । हि॒॒सि॒षम् प्र॒जाः । प्र॒जास्त्वम् ।  
प्र॒जा इति॑ प्र – जाः । त्वमु॒पाव॑रोह । उ॒पाव॑रोह प्र॒जाः ।  
उ॒पाव॑रोहेत्युप – अ॒वरो॑ह । प्र॒जास्त्वम् । प्र॒जा इति॑ प्र – जाः ।  
त्वमु॒पाव॑रोहन्तु । उ॒पाव॑रोहन्तु शृ॒णोतु॑ । उ॒पाव॑रोह॒न्त्वित्यु॑प-अ॒वरो॑हन्तु ।  
शृ॒णोत्व॑ग्निः । अ॒ग्निः समि॑धा । समि॑धा ह॒वम् । समि॑धेति॑  
सम् – इ॒धा । ह॒वम् मे । मे शृ॑ण्वन्तु । शृ॑ण्वन्त्वापः ।  
आपो॑ धि॒षणाः॑ । धि॒षणाश्च॑ । च दे॒वीः । दे॒वीरिति॑ दे॒वीः ॥ शृ॑णोत  
ग्रा॒वाणः॑ । ग्रा॒वाणो वि॒दुषः॑ । वि॒दुषो॑ नु ( ) । नु य॒ज्ञम् । 22 (50/55)

**T.S.1.3.13.2 - Kramam**

य॒ज्ञं शृ॑णोतु । शृ॑णोतु दे॒वः । दे॒वः स॒विता॑ । स॒विता॑ ह॒वम् ।  
ह॒वम् मे । म॒ इति॑ मे ॥ दे॒वीरा॑पः । आपो॑ अ॒पाम् । अ॒पाम् न॒पात् ।  
न॒पाद् यः॑ । य ऊ॒र्मिः । ऊ॒र्मिर् ह॒विष्यः॑ । ह॒विष्य॑ इन्द्रि॒यावा॑न् ।  
इन्द्रि॒यावा॑न् म॒दि॒न्तमः॑ । इन्द्रि॒यावा॑नितीन्द्रि॒य-वा॑न् । म॒दि॒न्तम॑स्तम् ।

तम् दे॒वेभ्यः॑ । दे॒वेभ्यो॑ दे॒वत्रा॑ । दे॒वत्रा॑ ध॒त्त । दे॒वत्रे॑ति दे॒व – त्रा॑ ।  
 ध॒त्त शु॒क्रम् । शु॒क्रꣳ शु॒क्रपे॑भ्यः । शु॒क्रपे॑भ्यो॒ येषा॑म् ॥ शु॒क्रपे॑भ्य  
 इति॑ शु॒क्र – पे॑भ्यः । येषा॑म् भा॒गः । भा॒गः स्थ॑ । स्थ॑ स्वाहा॑ ॥  
 स्वाहा॑ कार्॒षिः । कार्॒षिर॑सि । अ॒स्यप॑ । अ॒पापाम् । अ॒पाम् मृ॒द्धम् ।  
 मृ॒द्धꣳ स॒मुद्र॑स्य । स॒मुद्र॑स्य वः । वोऽक्षि॑त्यै । अक्षि॑त्या उ॒त् ।  
 उ॒न्नये॑ । न॒य इति॑ न॒ये ॥ यम॑ग्ने । अ॒ग्ने पृ॒थ्सु॑ । पृ॒थ्सु॑ म॒र्त्यम् ।  
 पृ॒थि॒स्वति॑ पृ॒त् – सु॑ । म॒र्त्यमा॑वः । आ॒वो वा॒जेषु॑ । वा॒जेषु॑ यम् ।  
 यम् जु॒नाः । जु॒ना इति॑ जु॒नाः ॥ स य॑न्ता । य॒न्ता श॑श्वतीः ।  
 श॑श्वती॒रिषः॑ । इ॒ष इती॑षः ॥ 23 (47/51)

(नु – सप्तचत्वारिंशच्च) (A13)

**T.S.1.3.14.1 - Kramam**

त्वम॑ग्ने । अ॒ग्ने रु॒द्रः । रु॒द्रो अ॑सुरः । अ॒सुरो॑ म॒हः । म॒हो दि॒वः ।  
 दि॒वस्त्व॑म् । त्वꣳ श॒र्द्धः॑ । श॒र्द्धो॑ मा॒रुत॑म् । मा॒रुत॑म् पृ॒क्षः । पृ॒क्ष  
 ई॒शिषे॑ । ई॒शिष॑ इती॒शिषे॑ ॥ त्वं वा॑तैः । वा॒तैर॑रु॒णैः । अ॒रुणै॑र् या॒सि ।  
 या॒सि श॒ङ्गायः॑ । श॒ङ्गाय॑स्त्वम् । श॒ङ्गाय॑ इति॑ शम् – ग॒यः ।  
 त्वम् पू॒षा । पू॒षा वि॒धतः॑ । वि॒धतः॑ पा॒सि । वि॒धत॑ इति॑ वि – ध॒तः ।

पा॒सि॒ नु॒ । नु॒ त्म॒ना॒ । त्म॒नेति॒ त्म॒ना॒ ॥ आ॒ वः॒ । वो॒ रा॒जा॒नम्॒ ।  
रा॒जा॒न॒म॒ध्व॒रस्य॑ । अ॒ध्व॒रस्य॑ रु॒द्रम् । रु॒द्रं॑ हो॒तारम्॑ । हो॒तारं॑  
स॒त्यय॑जम् । स॒त्यय॑जं॒ रो॒दस्योः॑ । स॒त्यय॑जमि॒ति स॒त्य – य॑जम् ।  
रो॒दस्यो॑रि॒ति रो॒दस्योः॑ ॥ अ॒ग्निम् पु॒रा । पु॒रा त॒नयि॒न्नोः॑ ।  
त॒नयि॒न्नो॒रचि॑त्तात् । अ॒चि॒त्ता॒द्धि॒रण्य॑रूपम् । हि॒रण्य॑रूपम॒वसे॑ ।  
हि॒रण्य॑रूपमि॒ति हि॒रण्य – रू॒पम् । अ॒वसे॑ कृ॒णु॒ध्वम् ।  
कृ॒णु॒ध्वमि॑ति कृ॒णु॒ध्वम् ॥ अ॒ग्निर् हो॒ता॑ । हो॒ता नि॒ । नि॒ ष॒सा॒द ।  
स॒सा॒दा य॑जी॒यान् । य॑जी॒यानु॑प॒स्थे । उ॒प॒स्थे मा॒तुः॑ ।  
उ॒प॒स्थ इ॒त्युप॑ – स्था॒ । मा॒तुः सु॒रभौ॑ । सु॒रभा॑वु । उ॒ लो॒के ।  
लो॒क इति॑ लो॒के ॥ यु॒वा क॒विः॑ । क॒विः पु॒रु॒निष्ठः॑ ।  
पु॒रु॒निष्ठ ऋ॒ता॒वा॑ । पु॒रु॒निष्ठ इति॑ पु॒रु – नि॒ष्ठः । 24 (50/56)

**T.S.1.3.14.2 - Kramam**

ऋ॒ता॒वा ध॒र्ता॑ । ऋ॒ता॒वेत्यृ॑त – वा॒ । ध॒र्ता कृ॑ष्ठी॒नाम् । कृ॑ष्ठी॒नामु॑त ।  
उ॒त म॒द्ध्ये॑ । म॒द्ध्य इ॒द्धः॑ । इ॒द्ध इ॒ती॒द्धः॑ ॥ सा॒ध्वी॒मकः॑ । अ॒कर्  
दे॒ववी॑तिम् । दे॒ववी॑ति॒न्नः॑ । दे॒ववी॑तिमि॒ति दे॒व – वी॒तिम् । नो॒ अ॒द्य ।  
अ॒द्य य॒ज्ञस्य॑ । य॒ज्ञस्य॑ जि॒ह्वाम् । जि॒ह्वाम॑वि॒दाम् । अ॒वि॒दाम् गु॒ह्याम् ।

गु॒ह्या॒मि॒ति॒ गु॒ह्याम् ॥ स॒ आ॒युः । आ॒यु॒रा । आ॒ऽगा॒त् । अ॒गा॒थ् सु॒रभिः ।  
सु॒रभि॒र् व॒सानः । व॒सानो॑ भ॒द्राम् । भ॒द्राम॑कः । अ॒कर् दे॒वहू॑तिम् ।  
दे॒वहू॑तिन्नः । दे॒वहू॑तिमि॒ति दे॒व - हू॒तिम् । नो॒ अ॒द्य । अ॒द्येत्य॒द्य ॥  
अ॒क्रन्द॑दग्निः । अ॒ग्निः स्त॒नय॑न् । स्त॒नय॑न्निव । इ॒व द्यौः ।  
द्यौः क्षा॒म । क्षा॒मा रे॒रिह॑त् । रे॒रिह॑द् वी॒रुधः । वी॒रुधः॑ स॒मज्ज॑न् ।  
स॒मज्ज॑न्निति॒ सं - अ॒ज्जन् ॥ स॒द्यो ज॒ज्ञानः॑ । ज॒ज्ञानो॑ वि । वि हि ।  
हीम् । ई॒मि॒द्धः । इ॒द्धो अ॒ख्य॑त् । अ॒ख्य॑दा । आ॒ रो॒दसी॑ ।  
रो॒दसी॑ भा॒नुना॑ ॥ रो॒दसी॑ इति॒ रो॒दसी॑ । भा॒नुना॑ भा॒ति । भा॒त्यन्तः॑ ।  
अ॒न्तरि॑त्यन्तः ॥ त्वे व॒सूनि॑ । त्वे इति॒ त्वे । व॒सूनि॑ पु॒र्वणी॑क ।  
पु॒र्वणी॑क हो॒तः । पु॒र्वणी॑केति॒ पुरु॑ - अ॒नीक॑ । 25 (50/56)

**T.S.1.3.14.3 - Kramam**

हो॒तर् दो॒षा । दो॒षा व॒स्तोः॑ । व॒स्तो॒रा । ए॒रिरे॑ । ई॒रिरे॑ य॒ज्ञिया॑सः ।  
य॒ज्ञिया॑स इति॒ य॒ज्ञिया॑सः ॥ क्षा॒मे॒व । इ॒व वि॒श्वा । वि॒श्वा भु॒वनानि॑ ।  
भु॒वनानि॑ यस्मिन् । यस्मिन्थ् स॒म् । स॒ꣳ सौ॒भगा॑नि । सौ॒भगा॑नि  
दधि॑रे । दधि॑रे पा॒वके॑ । पा॒वक॑ इति॒ पा॒वके॑ ॥ तु॒भ्यम् ताः॑ । ता  
अ॒ङ्गि॒रस्त॑म । अ॒ङ्गि॒रस्त॑म वि॒श्वाः । अ॒ङ्गि॒रस्त॑मेत्य॒ङ्गि॒रः - त॒म ।

वि॒श्वाः सु॒क्षि॒तयः॑ । सु॒क्षि॒तयः॑ पृथक् । सु॒क्षि॒तय॑ इति सु-क्षि॒तयः॑ ।  
 पृथ॒गिति॑ पृथक् ॥ अ॒ग्ने का॒माय॑ । का॒माय॑ येमिरे । ये॒मिर॑ इति येमिरे ॥  
 अ॒श्याम॑ तम् । तम् का॒मम् । का॒मम॑ग्ने । अ॒ग्ने तव॑ । तवो॒ती ।  
 ऊ॒त्यश्या॑म । अ॒श्याम॑ रयिम् । रयि॑ रयिवः । रयि॑वः सु॒वीर॑म् ।  
 रयि॑व इति रयि – वः । सु॒वीर॑मिति सु-वीर॑म् ॥ अ॒श्याम॑ वा॒जम् ।  
 वा॒जम॑भि । अ॒भि वा॒जय॑न्तः । वा॒जय॑न्तोऽश्या॑म । अ॒श्याम॑ द्यु॒म्नम् ।  
 द्यु॒म्नम॑जर । अ॒जरा॑जरम् । अ॒जर॑म् ते । त इति॑ ते ॥ श्रेष्ठं॑ यविष्ठ ।  
 यविष्ठ॑ भा॒रत॑ । भा॒रता॑ग्ने । अ॒ग्ने द्यु॒मन्त॑म् । द्यु॒मन्त॑मा ।  
 द्यु॒मन्त॑मिति द्यु – मन्त॑म् । आ भर॑ । भ॒रेति॑ भर ॥ 26 (50/54)

**T.S.1.3.14.4 - Kramam**

वसो॑ पु॒रुस्पृ॑हम् । वसो॑ इति वसो॑ । पु॒रुस्पृ॑ह रयिम् ।  
 पु॒रुस्पृ॑हमिति पु॒रु – स्पृ॑हम् । रयि॑मिति रयिम् ॥ स श्वि॒तानः॑ ।  
 श्वि॒तान॑स्तन्यतुः । तन्य॑तू रो॒चन॑स्थाः । रो॒चन॑स्था अ॒जरे॑भिः ।  
 रो॒चन॑स्था इति रोचन – स्थाः । अ॒जरे॑भिर् नानद॑द्भिः । नानद॑द्भिर्  
 यविष्ठः॑ । नानद॑द्भिरिति नानद॑त् – भिः । यविष्ठ॑ इति यविष्ठः॑ ॥



यः पा॒व॒कः । पा॒व॒कः पु॒रु॒त॒मः । पु॒रु॒त॒मः पु॒रू॒णि । पु॒रु॒त॒म इति॑  
 पु॒रु – त॒मः । पु॒रू॒णि पृ॒थू॒नि । पृ॒थू॒न्य॒ग्निः । अ॒ग्नि॒रनु॒याति॑ ।  
 अनु॒याति॑ भ॒र्वन् । अनु॒यातीत्यनु॑ – याति॑ । भ॒र्वन्नि॒ति भ॒र्वन् ॥  
 आ॒यु॒ष्टे । ते वि॒श्वतः॑ । वि॒श्वतो॑ दधत् । दध॒दय॑म् । अ॒य॒म॒ग्निः ।  
 अ॒ग्नि॒र् वरे॑ण्यः । वरे॑ण्य इति॑ वरे॑ण्यः ॥ पु॒नस्ते॑ । ते प्रा॒णः । प्रा॒ण आ ।  
 प्रा॒ण इति॑ प्र – अ॒नः । आ॒ऽयति॑ । अ॒यति॑ परा॑ । परा॑ यक्ष॒मम् ।  
 यक्ष॑मं सु॒वामि॑ । सु॒वामि॑ ते । त इति॑ ते ॥ आ॒यु॒र्दा अ॒ग्ने ।  
 आ॒यु॒र्दा इत्या॑युः – दाः । अ॒ग्ने ह॒विषः॑ । ह॒विषो॑ जुषा॒णः । जुषा॒णो  
 घृ॒तप्र॑तीकः । घृ॒तप्र॑तीको घृ॒तयो॑निः । घृ॒तप्र॑तीक इति॑ घृ॒त-प्र॑तीकः ।  
 घृ॒तयो॑निरेधि । घृ॒तयो॑निरिति॑ घृ॒त – यो॒निः । ए॒धीत्ये॑धि ॥ घृ॒तम्  
 पी॒त्वा । पी॒त्वा मधु॑ । मधु॑ चा॒रु । चा॒रु ग॒व्यम् । ग॒व्यम् पि॒ता ।  
 पि॒तेव॑ । इ॒व पु॒त्रम् । पु॒त्रम॑भि । अ॒भि रक्ष॑तात् । 27 (50/60)

**T.S.1.3.14.5 - Kramam**

रक्ष॑तादि॒मम् । इ॒ममि॑ती॒मम् ॥ तस्मै॑ ते । ते प्र॒ति॒ह॒र्य॑ते । प्र॒ति॒ह॒र्य॑ते  
 जा॒तवे॑दः । प्र॒ति॒ह॒र्य॑त इति॑ प्र॒ति – ह॒र्य॑ते । जा॒तवे॑दो वि॒चर्ष॑णे ।

जा॒तवे॒द इति॑ जा॒त – वे॒दः । वि॒चर्ष॑ण इति॑ वि – चर्ष॑णे ॥ अ॒ग्ने  
जा॒नामि॑ । जा॒नामि॑ सु॒ष्टुति॑म् । सु॒ष्टुति॑मि॒ति सु – स्तु॒तिम् ॥ दि॒वस्प॑रि ।  
परि॑ प्रथ॒मम् । प्रथ॒मम् ज॑ज्ञे । ज॑ज्ञे अ॒ग्निः । अ॒ग्निर॒स्मत् ।  
अ॒स्मद् द्वि॒तीयम्॑ । द्वि॒तीयम्॑ परि॑ । परि॑ जा॒तवे॒दाः । जा॒तवे॒दा इति॑  
जा॒त – वे॒दाः ॥ तृ॒तीयम॑प्सु । अ॒प्सु नृ॑मणाः । अ॒प्स्वि॒त्यप्-सु॑ ।  
नृ॑मणा॒ अज॑स्रम् । नृ॑मणा॒ इति॑ नृ – म॒नाः । अ॒जस्र॑मि॒न्धानः॑ ।  
इ॒न्धान॑ ए॒नम् । ए॒नम् ज॑रते । ज॑रते स्वा॒धीः । स्वा॒धीरि॑ति स्व-धीः ॥  
शु॒चिः पा॒वक॑ । पा॒वक॑ व॒न्द्यः । व॒न्द्योऽग्ने॑ । अ॒ग्ने बृ॑हत् । बृ॒हद् वि॑ ।  
वि॑ रो॒चसे॑ । रो॒चस॑ इति॑ रो॒चसे॑ ॥ त्वम् घृ॒तेभिः॑ । घृ॒तेभि॑राहु॒तः ।  
आहु॑त इत्या – हु॒तः ॥ दृ॒शानो॑ रु॒क्मः । रु॒क्म उ॒र्व्या । उ॒र्व्या वि॑ ।  
व्य॒द्यौत् । अ॒द्यौद् दु॒र्मर्ष॑म् । दु॒र्मर्ष॑मायुः । दु॒र्मर्ष॑मि॒ति  
दुः – म॒र्षम् । आ॒युः श्रि॒ये । श्रि॒ये रु॒चानः॑ । रु॒चान॑ इति॑ रु॒चानः॑ ॥  
अ॒ग्निर॒मृतः॑ । अ॒मृतो॑ अ॒भवत् । अ॒भवद् वयो॑भिः ।  
वयो॑भिर् यत् । वयो॑भिरि॒ति वयः॑ – भिः । 28 (50/56)

**T.S.1.3.14.6 - Kramam**

यदे॒नम् । ए॒नम् द्यौः । द्यौर॑ज॒नय॑त् । अ॒ज॒नय॑त् सु॒रेताः॑ । सु॒रेता॑ इति॑  
 सु - रेताः॑ ॥ आ यत् । य॒दिषे॑ । इ॒षे नृ॒पति॑म् । नृ॒पति॑म् तेजः॑ ।  
 नृ॒पति॑मि॒ति नृ - पति॑म् । तेज॑ आ॒नट् । आ॒नट्छु॑चि । शु॒चि रे॒तः ।  
 रे॒तो नि॒षिक्त॑म् । नि॒षिक्त॑म् द्यौः । नि॒षिक्त॑मि॒ति नि - सि॒क्तम् ।  
 द्यौर॑भी॒के । अ॒भीक॑ इत्य॒भीके॑ ॥ अ॒ग्निः श॒र्द्धम् । श॒र्द्धम॑न॒वद्य॑म् ।  
 अ॒न॒वद्यं॑ यु॒वानम् । यु॒वान॑ स्वा॒धिय॑म् । स्वा॒धिय॑म् ज॒नय॑त् ।  
 स्वा॒धिय॑मि॒ति स्व - धि॑यम् । ज॒नय॑त् सू॒दय॑त् । सू॒दय॑च्च ।  
 चेति॑ च ॥ स ते॒जीय॑सा । ते॒जीय॑सा म॒नसा॑ । म॒नसा॑ त्वो॒तः ।  
 त्वो॒त उ॒त । उ॒त शि॒क्ष । शि॒क्ष स्व॒पत्य॑स्य । स्व॒पत्य॑स्य शि॒क्षोः ।  
 स्व॒पत्य॑स्येति॑ सु - अ॒पत्य॑स्य । शि॒क्षोरि॑ति॑ शि॒क्षोः ॥ अ॒ग्ने रा॒यः ।  
 रा॒यो नृ॒तम॑स्य । नृ॒तम॑स्य प्र॒भूतौ॑ । नृ॒तम॑स्येति॑ नृ - त॒मस्य॑ ।  
 प्र॒भूतौ॑ भू॒याम् । प्र॒भूता॑वि॒ति प्र - भू॒तौ । भू॒याम् ते । ते सु॒ष्टुत॑यः ।  
 सु॒ष्टुत॑यश्च । सु॒ष्टुत॑य इति॑ सु - स्तु॒तयः॑ । च व॒स्वः । व॒स्व इति॑  
 व॒स्वः ॥ अ॒ग्ने स॒हन्त॑म् । स॒हन्त॑मा । आ भ॒र । भ॒र द्यु॒म्नस्य॑ ।

द्यु॒म्नस्य॑ प्रा॒सहा॑ । प्रा॒सहा॑ रयि॒म् । प्रा॒सहेति॑ प्र – सहा॑ ।

रयि॒मिति॑ रयि॒म् ॥ विश्वा॑ यः । यश्च॑र्ष॒णीः । 29 (50/58)

**T.S.1.3.14.7 - Kramam**

च॒र्ष॒णीर॒भि । अ॒भ्यासा॑ । आ॒सा वा॒जेषु॑ । वा॒जेषु॑ सा॒सह॑त् ।

सा॒सह॑दिति॑ सा॒सह॑त् ॥ तम॑ग्ने । अ॒ग्ने पृ॒तना॑सह॒म् ।

पृ॒तना॑सह॒र् रयि॒म् । पृ॒तना॑सह॒मिति॑ पृ॒तना॑-सह॒म् । रयि॒र् सह॑स्वः ।

सह॑स्व आ । आ भ॑र । भ॒रेति॑ भ॒र ॥ त्व॒र् हि । हि स॒त्यः । स॒त्यो

अद्भु॑तः । अद्भु॑तो दा॒ता । दा॒ता वा॒जस्य॑ । वा॒जस्य॑ गो॒मतः॑ । गो॒मत

इति॑ गो – म॒तः । उ॒क्षान्ना॑य व॒शान्ना॑य । उ॒क्षान्ना॑येत्यु॒क्ष – अ॒न्नाय॑ ।

व॒शान्ना॑य सोम॑पृ॒ष्ठाय॑ । व॒शान्ना॑येति॑ व॒शा – अ॒न्नाय॑ ।

सोम॑पृ॒ष्ठाय वे॒धसे॑ ॥ सोम॑पृ॒ष्ठायेति॑ सोम॑ – पृ॒ष्ठाय॑ । वे॒धस॑ इति॑

वे॒धसे॑ ॥ स्तोमै॑र् वि॒धेम॑ । वि॒धेमा॑ग्नये॑ । अ॒ग्नय॑ इत्य॒ग्नये॑ ॥

वद्वा॑ हि । हि सू॒नो । सू॒नो अ॒सि । सू॒नो इति॑ सू॒नो । अ॒स्यद्व॑सद्वा॑ ।

अ॒द्वसद्वा॑ च॒क्रे । अ॒द्वसद्वा॑त्य॒द्व – सद्वा॑ । च॒क्रे अ॒ग्निः । अ॒ग्निर्

ज॒नुषा॑ । ज॒नुषा॑ऽज्म । अ॒ज्मान्न॑म् । अ॒न्नमि॑त्य॒न्नम् ॥ स त्व॑म् । त्व॑म्

नः॑ । न ऊ॒र्ज॒सने॑ । ऊ॒र्ज॒सन॑ ऊ॒र्जम् । ऊ॒र्ज॒सन॑ इत्यू॒र्ज – स॒ने ।

ऊ॒र्जम्॑ धाः । धा॒ राजा॑ । राजे॒व । इ॒व जेः॑ । जे॒रवृ॑के ।  
 अ॒वृ॒के क्षे॑षि । क्षे॒ष्यन्तः॑ । अ॒न्तरि॑त्यन्तः ॥ अ॒ग्न आयू॑ष्षि ।  
 आयू॑ष्षि पव॒से । 30 (50/57)

**T.S.1.3.14.8 - Kramam**

प॒व॒स आ॑ । आ सु॒व । सु॒वोर्ज॑म् । ऊ॒र्जमि॑षम् । इ॒षम् च॑ । च नः॑ ।  
 न इति॑ नः ॥ आ॒रे बा॑धस्व । बा॒धस्व दु॒च्छुना॑म् । दु॒च्छुना॑मिति॑  
 दु॒च्छुना॑म् ॥ अ॒ग्ने प॑वस्व । प॒वस्व स्व॑पाः । स्व॒पा अ॒स्मे । स्व॒पा  
 इति॑ सु – अ॒पाः । अ॒स्मे वर्चः॑ । अ॒स्मे इत्य॑स्मे । वर्चः॑ सु॒वीर्य॑म् ।  
 सु॒वीर्य॑मिति॑ सु – वी॒र्यम्॑ ॥ दध॑त् पो॒षम् । पो॒षर् र॒यिम् ।  
 र॒यिम् म॒यि । म॒यीति॑ म॒यि ॥ अ॒ग्ने पा॑वक । पा॒वक॑ रो॒चिषा॑ ।  
 रो॒चिषा॑ म॒न्द्रया॑ । म॒न्द्रया॑ दे॒व । दे॒व जिह्वा॑ । जिह्वा॑येति॑ जिह्वा॑ ॥  
 आ दे॒वान् । दे॒वान् व॑क्षि । व॒क्षि य॑क्षि । य॒क्षि च॑ । चेति॑ च ॥  
 स नः॑ । नः पा॒वक॑ । पा॒वक॑ दी॒दिवः॑ । दी॒दिवो॑ऽग्ने । अ॒ग्ने दे॒वान् ।  
 दे॒वा इ॒ह । इ॒हा । आ व॑ह । व॒हेति॑ व॒ह ॥ उ॒प य॒ज्ञम् । य॒ज्ञर् ह॒विः ।  
 ह॒विश्च॑ । च नः॑ । न इति॑ नः ॥ अ॒ग्निः शु॒चि॒व्रत॑तमः । शु॒चि॒व्रत॑तमः  
 शु॒चिः । शु॒चि॒व्रत॑तम इति॑ शु॒चि॒व्रत॑ – तमः॑ । शु॒चिर् वि॒प्रः ।

प्रथम काण्डे – तृतीयः प्रश्नः – (TS 1.3)

वि॒प्रः शु॒चिः ( ) । शु॒चिः क॒विः ॥ क॒वि॒रिति॑ क॒विः ॥ शु॒ची रो॒चते॑ ।  
रो॒चत॑ आ॒हुतः॑ । आ॒हुत॑ इ॒त्या-हु॒तः ॥ उद॑ग्ने । अ॒ग्ने शु॒चयः॑ ।  
शु॒चय॑स्तव । तव शु॒क्राः । शु॒क्रा भ्राज॑न्तः । भ्राज॑न्त ईर॒ते ।  
ईर॒त इती॑रते ॥ तव ज्योती॑षि । ज्योती॑ष्य॒र्चयः॑ ।  
अ॒र्चय॑ इत्य॒र्चयः॑ ॥ 31 (54/67) (पु॒रु॒नि॒ष्ठः – पु॒र्व॒णीक॑ – भ॒रा –  
ऽभि॑-व॒योभि॑- र्य – आ॒यु॑षि – वि॒प्रः शु॒चि –श्चतु॑र्दश च) (A14)

=====

## तैत्तिरीय संहिता क्रम पाठे (TS 1.3)

**Prasna Korvai with starting Padams of 1 to 14 Anuvaakams :-**

(दे॒वस्य॑-र॒क्षो॑ह॒णो॑ -वि॒भू-स्त्व॑ꣳ सो॒मा- ऽत्य॑न्या॒नगां॑ - पृ॒थि॒व्या -  
इ॒षे त्वा - ऽऽद॑दे वा॒क्त-स॑न्ते- स॒मु॒द्रꣳ- ह॒वि॒ष्मती॑र्. - हृ॒दे-  
त्व॑म॒ग्ने॒रु॒द्र-श्च॑तु॒र्द॒श । )

**Korvai with starting Padams of 1, 11, 21 Series of Panchaatis :-**

(दे॒वस्य॑-ग॒म॒ध्ये-ह॒वि॒ष्मतीः॑-प॒व॒स-ए॒क॒त्रिं॑शत् । )

**First and Last Padam of Third Prasnam:-**

(दे॒व॒स्या-ऽर्च॑यः)

॥ हरिः॑ ओं ॥

॥ इति॑ प्रथम काण्डे तृतीयः प्रश्नः - क्रम पाठः समाप्तः ॥

## प्रथम काण्डे – तृतीयः प्रश्नः – (TS 1.3)

---

### Details of Panchati, Padam and Krama Vaakyams for

#### Kandam 1 Prasanam 3 (TS 1.3)

— —

	Panchati	Padams	Krama Vaakyams
Anuvakam 1	2	118	132
Anuvakam 2	2	102	136
Anuvakam 3	1	58	74
Anuvakam 4	3	131	148
Anuvakam 5	1	60	66
Anuvakam 6	2	119	132
Anuvakam 7	2	81	91
Anuvakam 8	2	94	112
Anuvakam 9	2	105	116
Anuvakam 10	2	78	96
Anuvakam 11	1	76	82
Anuvakam 12	1	34	40
Anuvakam 13	2	97	106
Anuvakam 14	8	414	464
Total →	31	1567	1795